



UNIVERSITÄTS-
BIBLIOTHEK
PADERBORN

Universitätsbibliothek Paderborn

Corona Avrea S^vpere Mithram Romani Pontificis

Raynaud, Théophile

Romae, 1647

Punctum I. Corpus Ecclesiæ, optimè à Christo constitutum esse, atque
adeò ab omni monstrositate procul abhorrere.

urn:nbn:de:hbz:466:1-10481

C O R P U S E C C L E S I A E,
optimè à Christo constitutum esse, atque adeò ab
omni monstrositate procul abhorre.

*al. 3 de Chri.
Ho. 14. c. 9.*

1 Cor. 3. 10.

*Ephes. 1. 10.
d. cap. 5.*

2 Cor. 13. 1.

I.

D.

M.

V.

U.

R.

S.

T.

P.

A.

C.

E.

N.

G.

H.

I.

L.

M.

N.

O.

P.

Q.

R.

S.

T.

U.

V.

W.

X.

Y.

Z.

VO breuiter sunt recolenda, ex pleniori alibi instituta tractatione^a. Primum est, Ecclesiam esse corpus Christi. Alterum, hoc corpus pulcherrimum esse, optimeque constitutum. Vtrumque vix eget confirmatione, aut illustratione, cum sit per se perspicuum. Itaque breuissimè id attingo.

Cum duplex sit Christo corpus, iuxta doctrinam Petri Damiani^b, vnum quod suscepit ex Virgine, alterum quod ei charius fuit, & pro quo mortuus est, Ecclesia secundo modo est corpus Christi. Itaque corpus Christi dicitur Ecclesia, non naturale ac physicum, (vt per se patet) sed morale ac mysticum. In quo sensu Apostolus de Christo loquens ait^c, *Ipsum dedit caput super omnem Ecclesiam, quæ est corpus ipsius*. Et alibi^d. *Christus caput est Ecclesiae, ipse Salvator corporis eius*. Et paulò post. *Christus nutrit & fouet Ecclesiam, quia membra sumus Corporis eius, de carne eius, & de ossibus eius*. Explicatissimè ad Corinthios^e. *Vos estis corpus Christi & membra de membro*. Græcè, ἐν μέρει hoc est, *Compartes estis, & membra ad inuicem habentia connexionem sub uno principali membro, seu capite*. Hoc ipsum est, quod Ephesorum gentes dicuntur sua ad Christum conuersione, factæ concorporales; idest membra eiusdem corporis. Plenumque item Scriptura ipsa inde petit argumentum ad absterredos & auocandos ab aliqua indignitate fideles,
quod

quod sint membra Ecclesiæ, atque adeò corporis Christi; vel quod sint corpus Christi, nempè partiale. Sic Apostolus à turpitudine dhortatur fideles ne accipient mēbra Christi, & faciant membra meretricis. Et alibi, Colossenses vrget, vt abijciant vmbbras, cum sint ipsi corpus Christi, non vmbriticum, sed reale ac solidum, vt insigñiter philosophatur D. Augustinus ^{a Epist. 493.} satisfaciens quæstionis septimæ S. Paulini; expendens, Apostolum inde hortari Colossenses, vt contemnerēt euāidas legis vmbras ad quas trahebantur à nonnullis, quod essent Corpus Christi, cui tanquam capiti cohærere omnino debarent. Versat id latè D. Augustinus, tum sic concludit. [Nemo ergo vos (inquit) iudicet in cibo, aut in potu, aut in parte diei festi, aut Neomeniæ, aut Sabathorum, quod est vmbra futurorum. Corpus autem Christi, nemo vos conuincat. Turpè est & nimis incongruum, & à generositate vestræ libertatis alienum, vt cum sitis corpus Christi, seducamini vmbbris, & conuinci videamini veluti peccantes, si hæc obseruare negligitis. Corpus ergo Christi, nemo vos conuincat, volens in humilitate cordis.] Legit S. Augustinus & interpungit eum Pauli locum, aliter quam habeat vulgata editio; Nam iuxta hanc, sensus est, ritus Iudaicos fuisse vmbram futurorum: corpus autem, siue substantiam & (vt loquuntur) realitatem, vmbbris illis adumbratam, ad legem Christi pertinere. At D. Augustinus, periodum claudit in illis verbis, que sunt vmbra futurorum. Tum quod sequitur: *Corpus autem Christi*, necrit cum eo, quod sequitur, *Nemo vos seducat volens*; ita vt sit Apostrophe ad fideles, quos admonet, vt sint memores, se esse corpus Christi, & futile vmbras eo nomine refugiant. Hic locus, saltem ex D. Augustini authoritate, valet ad monstrandum, Ecclesiam esse corpus Christi. Alias tamen liquidiores in hanc rem Scripturas, legere est apud eundem S. Augustinum ^b.

^a Bl. de unitate.
Ecclesia. c. 2.
§. 4.

3 Ni-

Punctum I.

14

3 Nihil frequentius in Scripturis ac Patribus occurrit, hac Ecclesiæ denominatione, cuius multiplicem Analogiam diffusè prosequitur Turrecremata^a. Sed præcipua cernitur in membrorum uno spiritu animatorum diversitate, concurrente ad unius mystici corporis compagem, & variarum operationum exercitium. His quippe obeundis, Ecclesia instar Organici corporis, è varijs quasi similaribus & dissimilariibus partibus coagmetatur. Similares dico, carnem, ossa, neruos, & huiusmodi alias: quibus quæ partes in mystico Christi corpore respondeant, plenè dico cum de S. Ignatio, *Anima mundi*.

*a l. i. Summa
de Eccl. c. 43.*

*b l. i. Summa
de Eccl. c. 44.*

c in Isagoge.

*d Rom. 12.
1. Cor. 10.
Ephes. 4.
Coloss. 1.
e in Psalm. 5.
pœnit. ad ver-
sic. 4.*

Dissimilares fusè prosequitur Turrecremata^b minutam percurrent singula membra humani corporis, & demonstrans, qui in corpore mystico respondeant faciei, genis, oculis, auribus, naso, labijs, dentibus, collo, vberibus, manibus, ventri, cruribus, ac pedibus. Fusus item in eodem argumento est Sanctes Pagninus^c. Nobis in praesentia sat est, generatim monstrasse, Ecclesiam dici in Scripturis *corpus Christi*, praesertim apud Apostolum, varijs locis^d præter iam annotata.

4 Obseruat verò S. Gregorius^e, hanc causam esse cur in plerisque locis Sacrorum librorum, quedam Christus quasi sua pronunciet, quæ nobis solummodo congruunt. [Vnum quippe corpus est tota sancta vniuersalis Ecclesia, sub Christo I E S V, suo videlicet capite constituta. Vnde ait Apostolus, *Ipse caput corporis Ecclesiæ, qui est principium, primogenitus ex mortuis*. Ipsa est enim, quæ per Prophetam iucundatur & dicit: *Nunc exaltauit caput meum super inimicos meos*. Pater enim Filium, qui est caput Ecclesiæ, super inimicos eius exaltavit, cum destructo mortis imperio, in suæ illum maiestatis æqualitate constituit, cui & dixit: *sede a dextris meis. Donec ponam inimicos tuos, scabellum pedum tuorum*. Christus itaque cum tota Ecclesia sua, siue quæ adhuc versatur

tur in terris, siue quæ cum eo iam regnat in cœlis, vna persona est.] Præiuerait S. Augustinus ^a secernens in Scripturis, & quæ à Christo proferuntur, prout est in se, & quæ ab eo proferuntur, prout est in nobis. [Etenim corpus eius, Ecclesia non esset, nisi & in nobis ipse esset.] Idest, nisi esset nobiscum vna persona, qualem caput & membra constituunt. Quo pertinet alia eiusdem D. Augustini ^b disputatio de præmissâ Christi tanquam Capitis resurrectione, ut membra non desperarent resurrectionem, quam in capite præcessisse conspicarentur. At iuxta regulam Ticonij, Diuo item Augustino probatam, & apud omnes ratam, vt monstrant Franciscus Ruizius in Regulis ad intelligendam Scripturam ^c, & Laurentius à Villavicentio ^d. Sicut quæ nostra sunt membrorum & capitum concursum in vnam personam, Christo tribuitur; ita & nobis per quandam veluti communicationem Idiomatum, solent in Scripturis adscribi, quæ Christi sunt, tanquam membris cum eo veluti capite, vnam personam & vnum morale corpus vndeunque absolutum conflantibus.

⁵ Indidem quoque S. Bernardus ^e, spem concipit, quod nō simus aditu cœlorum excludēti, quamuis scriptum sit eō non ingressurum, nisi qui sine macula ingreditur, & neminem ascendere in cœlum, nisi qui descendit de cœlo filius hominis, qui est in cœlo. Quamuis enim solus Christus ingrediatur Sancta Sanctorum, & nemo præter eum ascendet in cœlum, tamen sub eius nomine comprehendimur & nos, qui sumus membræ eius. [Licet enim solus, sed profecto totus intrabit, & non communuetur ex eo. Non sine membris caput inuenitur in regno, si tamen membra fuerint conformia sibi, & cohærentia capiti suo. Conformia sanè moribus, cohærentia fide.] Similia passim Patres cœteri, nostram omnium cum Christo coagmentationem in vnam personam.

sonam moralem agnoscentes, & quæ inde ad nos resu-
dantur decora, quæ item nostra in Christum transferan-
tur, commemorantes.

6 Et quia coniuges vna moraliter persona sunt, quo-
rum tituli inuicem commineant; non raro eandem no-
stram cum Christo coniunctionem in vnam moralem
personam, Patres consentaneè ad varias Scripturas, ex-
ponunt, per Ecclesiæ cum Christo coniugium. Scitè

a serm: 12. ex D. Augustinus ^a. [Quid ipsa Ecclesia? Corpus Christi.
40. nouiss.

Adiunge illi caput, & fit unus homo. caput & corpus,
unus homo. Caput quis est? Hic qui natus est de Vir-
gine Maria, &c. Ipse est caput Ecclesiæ, &c. Corpus au-
tem eius, quod est? Coniux eius, idest Ecclesia. Erunt
enim duo in carne una. Sacramentum hoc magnum est. Ego
autem dico in Christo, & in Ecclesia. Sic & Dominus in
Euangelio, cum de viro, & uxore diceret, *Igitur iam*
nō sunt duo, sed una caro. Ergo unum voluit esse, homi-
nem Deum Christum, & Ecclesiam. Ibi caput, & hic
membra.] De hac re plenè in tractatione de Christi ti-
tulis, cum de Christo Sponso ^b.

b. l. 5. de Chri-
sto scđt. 5. c. 1.

7 Fit continuè, & usque ad mundi metam fiet, hæc
corporis Christi compactio, & transitus noster in vnam
cum eo personam moralem; siue eum transitum nomi-
ne coniugij, siue nomine generationis mysticæ donare pla-
ceat. utrumque enim dicitur penes varias consideratio-
nes. S. Paulinus pangens Juliano & Iæ Epithalamium,
præclarè, & de more suo omnino piè, describit hæc (ut
vocat) noua Domini ad humanam salutem commen-
ta, ac grande Sacramentum quo nubit Ecclesia Christo,
& simul est Domini Sponsa sororque sui, perpetuata ad
finem usque sæculi coniunctione. Et addit ^c de benedi-
cta Dei generatione, quæ nouæ seminis humani, sed ge-
neris superi est; secundum quam in Christo, nec mas,
nec foemina est, sed idem corpus & una fides.

Namque

mend

c in Epithal.
Juliani.

Ecclesia corpus non monstrosum. 17

Namque omnes unum corpus sumus, omnia Christo
Membra quibus Christus corporis in caput est.
Et qui iam Christum induti deponimus Adam,
Protinus in speciem tendimus Angelicam.
Propterea hoc opus est cunctis baptisnate natis,
Perfectum ut capiat sexus uterque virum.
Et commune caput stet in omnibus omnia Christus,
Tradens in regnum Rex sua membra Patri,
Nubere vel nubi, fragilis iam deserit etas
Omnibus aeterno corpore compositis.

Nimirum, quia tunc cessabunt generationes corporeæ
hominum, atq; adeò cessabit etiam regeneratio & coa-
litus in unum Christi Corpus, vnamque moralē personam. Et hoc est, quod Apostolus ait, cum Christus re-
gnū Deo ac Patri tradet, occursores nos, in virum perfe-
ctum, in mensuram etatis plenitudinis Christi; quod vul-
gò minus commodè referunt ad resurgentium corpo-
ream staturam. Clemens Alexandrinus^a ad vniuerscuius^{b lib. I. præd.}
que nostrum perfectionem in Christo retulit. Optimè^{c s.}
autem in eum, quem ex Paulino expressi sensum, refer-
tur à Turriano^d.

8 Et quia vniuersa Christiana Hierarchia eò dirigi-
tur, ut generatio ventura Domino annuncietur, & for-
metur Christus in paruulis fontis Ecclesiastici vtero cō-
ceptis, & obstetricante Euangelio, crucis cuna susceptis
(vt Bracharius concinnè dixit;) idcirco Apostolus vni-
uersam illam graduum & ordinū varietatem, quæ Hie-
rarchiam Ecclesiasticam integrat, cessaturam ait, cum
omnes unus Christus fuerint, & in vnam moraliter cum
Christo personam transferint: quod in fine sæculi, con-
summato cum voluminibus temporum, numero ele-
ctorum continget; quia tunc omnes, unum, vel ut apud
Apostolum^e legit Chrysostomus, unus erunt in Christo;^{f ad Galat. 3: ver. 28.}

C & om.

& omnibus ad beatam illam sortem vocatis, persona
moralis.

^{a l. 2. de offic.} ^{b. 11.} ^{c. 11.} ^{d. Ioan. 3^o.} 9 Quod visum est Ruperto ^a, hunc transitum in
vnum cum Christo corpus de quo tam frequenter agit
Apostolus, hunc inquam transitum in vnam moraliter
cum Christo personam, fieri per susceptionem diuinæ
Eucharistiae, adscriptu dignissimum est, quia & illustra-
tionem nonnullam depositit, & continet insigne incen-
tiuum ad huius Sacramenti susceptionem. Prosequens
ergo Rupertus vtilitatem eximiam, quæ cibi Eucharisti-
ci sumptione comparatur, eo quod per eam suscep-
tionem subeatur in cœlū, quò vnum & solus Christus ascen-
dit, iuxta ipsius Christi oraculum ^b, sic philosophatur.
[Vni & soli, qui descendit de cœlo, Filio hominis, qui
vna persona est cum Filio Dei, cum Verbo Patris, quod
de cœlo descendit, & de corde Patris in uterum venit
Virginis; vni, inquam, & soli Filio Dei, filioque homi-
nis, tanquam suo capiti cuncta membra corporis anne-
stuntur, omnes qui in fide huius Sacramenti, in pleni-
tudine huius charitatis sunt recepti; & sic vnum corpus,
vna persona, vnum Christus, caput cum suis in membris in
cœlum ascendit, dicitq. gratulabundus gloriosam Deo
assignans Ecclesiam, *hoc nunc os ex ossibus meis, & caro
de carne mea.* Et ostendens se, atque illam in persona
conuenisse unitatem, & erunt (inquit) duo in carne una.
Magnum hoc Sacramentum est. Caro Christi, quæ ante
passionem solius erat caro Verbi Dei, per passionem ita
creuit, adeò dilatata est, ita mundum vniuersum imple-
uit, vt omnes electos, qui fuerunt ab initio mundi, vel fu-
turi sunt vsque ad ultimum electum in fine sæculi, noua
consersione huius Sacramenti, in vnam Ecclesiam fa-
ciat Deum & hominem carnaliter copulari. Caro illa
erat vnum granum frumenti, antequam cadens in ter-
ram mortuum fuisset. Nunc postquam mortuum est,

cic-

crescit in altari, fructificat in manibus, & corporibus nostris, & ascendeat magno ac diuite Domino messis, terram fructiferam in qua crevit, secum vehit in horrea coeli.]

10 Non possunt, quæ Rupertus tradit, accipi de sola Sacramentali & simpliciter dicta Eucharistiæ suscep^atione, quæ nec habuit locum circa electos Christo anteriores, nec nunc habet locum circa infantes, quorum plerique sunt electi, & in vnam moralem cum Christo personam euadunt, visolius Baptismi, & parte per eum gratiæ sanctificantis. Itaque Rupertus æmulatus est modum loquendi D. Augustini ^a, qui negans ad panis cœlestis manducationem, quam Christus primo loco insinuat Ioannis 6. parandum esse dentem ac ventrem, eo quod ad illam mādicationem sufficiat fides viua, agnoscit transiri in Christum per Eucharistiam, voto saltem habituali susceptam, etiam abijs, qui Sacramentaliter diuinum cibum non participarunt; sed Christo pane vi^bta & intellectus cibati sunt, quatenus ei cohæserunt per fidem & charitatem, saltem habitualiter. Qua ratione omnes anteriores Christo electi, & qui post Christum participare diuino epulo, aut defectu ætatis, aut opportunitatis sunt impediti, censentur Christum manducasse, vt Rupertus quoque alibi ^b differit. Ad hunc ergo modum accipienda sunt, quæ ex Ruperto adducebam, & à Theophane item Nicæno ^c egregiè tradūtur Epistola de Sacerdotij præcellentia ad suos Sacerdotes, de transitu in vnam moralem cum Christo personam, & in mysticum Corporis eius membrum, per Diuinæ Eucharistiæ sumptionem; siue Sacramentalem debitè peractam, & sanctitatis feracem; siue spiritualem, quæ credendo & fidem charitate animatam adhibendo, peragitur.

11 Diuinè ac profundè, vt omnia, hanc insignem doctrinam proposuit Apostolus ^d; præfatus, Christum cœlos

^a trad. 25. in
Ioan.

^b l. 6. in Ioan.
sub fine.

^c epist. 3. no.
22. 14. 16.

^d Ephes. 4.

C z los

los subeuntem, vt post inferos, & terras præsentia sua honestata, impletet omnia, sua maiestate & gloria, dedisse hic fidelibus varios ministros, ad consummationem Sanctorum in opus ministerij, in ædificationem corporis Christi. Idest, vt procreetur plenus ac integer Christus; quod fieri cum omnes electi in unam cum eo moralem personam evaserint. Hebræis enim, quorum ibi idiotismum adhibet Apostolus, ædificare idipsum est, quod gignere: & proles idem est, quod Patris ædificium, quod esse diligenter notandum, admonet D. Hieronymus in Traditionibus ad cap. 16. Geneseos, beneque ibi illustrat Delrio, & §. 20. Adagiorum Sacrorum. Corpus itaque Christi mysticum, quod est Ecclesia, ex Christo capite & membris fidelibus constituta, per sacros ministros ad consummationem Sanctorum delectos, ædificatur; & continuata ad finem usque sæculi aggeneratione perficitur quasi extensiæ, dum varij fideles, per opus ministerij, quisque in suo gradu & ordine, accrescunt cœtris, qui anteriùs in eo ipso gradu & ordine, præiacuerunt in corpore mystico, & Christi membris sunt annumerati. Hæc præfatus Apostolus, subdit. Veritatem autem facientes in charitate, crescamus in illo per omnia, qui est caput Christus, ex quo totum corpus compactum est & conformatum, per omnem iuncturam subministracionis secundum operationem in mensuram uniuscuiusque membra, augmentum corporis facit in ædificationem sui, in charitate. [Obscurissime hæc in verbis, & in sensibus, & in genere locutionis,

^{a q. 10. ad Al-}
ges.

ab Apostolo dici; admonet S. Hieronymus ^a, hanc glossam, vel ecphrasim de suo adhibens. [Caput ac principium totius corporis, eorumque qui credunt, & omnis intelligentiae spiritualis, Christus. Ex capite corpus Ecclesiæ per suas compages, atque iuncturas, vitalem doctrinæ cœlestis accipit succum, vt omnia paulatim mēbra vegetentur, & per occultos venarum meatus fundatur

tur defœcatus sanguis ciborum , & ministretur , atque
succrescat , imò teneatur temperantia corporis , & de
fonte capitis rigati artus , crescant in perfectionem Dei ,
& impleatur Saluatoris ^a Oratio : *Pater volo, ut sicut ego;* ^{a Iean. 17.}
& tu, unum sumus, sic & illi in nobis unum sint; vt post-
quam nos Christus tradiderit Patri , sit Deus omnia in
nobis omnibus ^b .] Mea sententia , eo loco cuius præ- ^{b 1. Cor. 15.}
dictam paraphrasim adhibuit S.Hieronymus , hortatur
Apostolus fideles , vt exercentes nauiter bona opera ,
(id enim iuxta Scripturæ phrasim alibi ^c expositum , est ^{c lib. de equi.}
facere veritatem) crescant in illo , siue accrescant illi per ^{hoc. c. 2.}
omnia ; non tantùm scilicet quoad fidem , (qua sola &
infima ratione accrescunt Christo fideles destituti cha-
ritate , non viuentes in hoc mystico corpore , nisi vita
quasi vegetativa ;) sed etiam quoad charitatem & gra-
tiam sanctificantem , cui charitas est comes indiuidua .
Crescent ergo in Christo fideles , cum illi accrescant per
vitam sanctam charitate formatam : quod assequuntur
interuentu compactionis & cōsertonis cum alijs mem-
bris , nec non interuentu subministracionis & influxus à
spiritualibus ministris per Christum constitutis suppedita-
tati . *Iunctura si quidem subministrationis* , de qua Apo-
stolus , aliud non est ; quam ministrorum Christi & di-
spensatorum mysteriorum Dei , tanquam corporis eius
mystici , venarum atque neruorum , influxus in omnia
membra .

12 Scitè Petrus Cellensis ^d scribens ad moderatores
Ordinis Cartusiensis , confert eos cum venis ; quo nemi-
ne , & pressè dictæ venæ , quæ sunt sanguinis tubi , & ar-
teriæ per quas spiritus decurrunt , apud Medicos veniūt .
Ait igitur Petrus . [Vos qui Piores estis , & curam alio-
rum suscepistis , quasi venæ in corpore Cartusiensis Or-
dinis estis . Tam itaque vnanimiter regimi vestro in-
vigilate omnes , & tam temperanter à subiectis vestris

mansi.

mandata & consuetudines Ordinis exigere debetis, quanta charitate in humano corpore, venæ omnes sibi sociantur, & salubrem vegetationem omnibus membris æqua distributione sanguinis largiuntur. Eadem siquidem cautela, fugere debet nimiam exilitatem & subtilitatem vena, quam immoderatam grossitudinem & repletionem. Nimia namque repletio, nisi citò euacuetur, acutam febrem & longam ægritudinem gignit. Rursum nimia exinanitio vires detrahit, & bona valetudine destruit.] Igitur qui alios dirigunt, sunt in corpore politico venæ & arteriæ; ac etiam nerui quorum proportionalis est functio quoad spirituum animalium transvectionem, & dispensationem per corpus. Hos itaque alienæ salutis ex officio securidum Deum administros, Apostolus iuncturā subministratio[n]is appellauit, à cuius operatione prouenit transitus, & aggeneratio aliorum in corpus Christi. Vnde huius corporis accretio, in charitate, ad perfectam mensuram Deo expetitam existit.

13 Ratum igitur esto, Ecclesiam vniuersam, & qui eam constituunt fideles, dum voluuntur secula, continuo Christo accrescere, & in vnum morale, ac mysticum eius corpus compingi; quod omnibus corpori physico proportionalibus perfectionibus cumulari, atque adeò optimè vndeunque constitutum esse, & omni indecora labe vacare, non dubitat, quisquis attenderit, corpus id esse Christi, quem Deum simul & hominem, exquisitus nitor & perfectio ei personæ consentanea decet. In corpore porrò morali de quo hic agitur, perfectio quasi substantialis, sita est in forma optima regimini, quæ circa controuersiam est Monarchia, per subordinationem omnium membrorum ad vnum caput. Aliæ enim regiminis formæ, longè pluribus incommodis sunt obnoxiae, nec tam exquisitam membrorum ciuilium prouidentiam inferunt, quam Monarchia. Et idcirco pro

pro ea cœteris rectionibus anteferenda , fusè differunt,
qui res politicas attigerunt ac nominatim Lipsius ^a . In
signiter item in hanc rem differit Ioannes XXII. in Bulla
damnationis Marsili Patauini, edita anno 1327. ac Pius
II. in Bulla retractationis *sub finem* ^b , & fusè etiam Bel-
larminus ^c , Coccius ^d , Sanderus ^e , & apud eos alij .

^a l. 2 monitor.
^b l. 1. de Rom.
^c l. 1. de Rom.
^d l. 1. de Rom.
^e l. 1. de Rom.

^b to. vlt. Cor-
cil.
^c l. 1. de Rom.
^d l. 1. de Rom.
^e l. 1. de Rom.

^f l. 3.
^g l. 3. viss.
^h monar.

14. Præter eam perfectionem quasi substancialem cor-
pori politico , cui respondet in corpore physico subiun-
ctio membrorum inuicem absque defectu , aut exupe-
rantia illa bono corporis statui dissentanea nexorum
ad caput, motum omnibus ac sensum præstans, quam-
diu & inter se, & cum ipso ritè nectuntur; notari possunt:
in ciuili corpore , aliæ perfectiones, accidentarijs corpo-
ris physici perfectionibus proportionales; cuiusmodi sūt
vigor sensum, sanitas, pulchritudo, robur, quæ ab Ano-
nymo Græco ^f , libri de virtutibus à Vegelino euulgati,
authore, necnon à Marino ^g *virtutes corporis* denomi-
nantur, habentque sibi correspondentes in corpore mo-
rali & politico benè constituto . Non licet ambigere ,
quin corpus Christi mysticum omnibus his perfectioni-
bus, ac substantialibus & accidentarijs corporum physi-
corum ornamentis, proportione respondentibus exor-
netur; vt quandoquidem moraliter corpus Christi de-
nominatur, seruet decoram cum physico eius corpore
Analogiam . At corpus Christi naturale non modò fuit
substantialiter perfectum , citra omnem membrorum
exuperantiam, atque defectum ; sed etiam fuit venustissi-
mum, & expers morbositatum; & quæ concors est San-
ctorum Patrum, & Theologorum illis inhærentium sen-
tentia ; omnibus corporeis dotibus exquisitè enituit .
Neque sanè plasteñ & plasticam illius corporis , aliud
plasma effingere par fuit, quām vnde cumque præcel-
lenter constitutum . Philo quidem ^h , Adami corpus ⁱ in Cosmop.
longè præstantissimum fuisse non dubitat : tum quod

ex.

Punctum I.

24

ex Virgine luto, idest ex materia pura lestaque effictum esset, tum quod à Deo opifice, & in finem optimum. [Domus enim quædam, aut templum sacratum fabricabatur rationali animæ, quam illa diuina imago circumferre debebat.] Vrgent æquè ista, ac etiam multò magis, pro physico Christi corpore; quod è purissima, filigina, sine manibus humanis, solius Spiritus sancti officio est efformatum. At seruat (vt dixi) corpus Christi mysticum, proportionem cum physico; ac proinde ipsum quoque, optimè constitutum esse oportuit.

15 Celebrantur passim, hæ perfectiones Ecclesiae, quæ est corpus Christi mysticū, à Salomone in diuino Epitha-

a.c.2.4. & 6. lamio^a, vbi Ecclesia, & absolutè formosa, & tota pulchra, & sine macula dicitur; nec non una perfecta. Scio hac voce posse designari sponsam; ita vt sensus sit, cum alia pleræque numerentur Reginæ, & adolescentulæ, vnam tamen dumtaxat esse simpliciter, & absolutè dictam sponsam; absqueulla decorum eius expressione per vocem perfecta. Nam huiusmodi vocem esse connubiale, in confessu est. Vnde pronuba Iuno, cui vincla iugalia curæ, & sacris præfecta maritis, ^{reuelas} cognomine à Græ-

^{b lib. 3. Onom.} cis donabatur, vt est apud Pollucem^b, & Plutarchum^c:
^{c in caus. q. 2.} apud quem Interpres mentem Authoris non assecutus,
^{d ad l. de Ci-} & ab eo implanatus Ludouicus Viues^d, Iunonem ^{reuelas}
^{e uit. c. 22.} absurdè vertit adulam, cum vertedum esset Iuno nuptiarum præses: quo eam titulo donabant veteres, vt est apud Dionem^e, & Seruium^f, ad illud, & Iunone secunda.

Vnde ^{reuelas} Sacra Iunoni peragentes, fel à reliquis vestimæ extis auulsum, non porriciebant, vt bilem ac amaritudinem nuptias dedecere significarent. Potuit itaque Ecclesia, una & perfecta dici, non vt significaretur eius perfectio, sed ad exprimendum, quod sit unica sponsa veri Salomonis. Tamen vtraque vocis notio, eodem re-
cidit, quod ad nos attinet: quia sponsum adeò perfe-
ctum,

^{g Orat. 7.}
^{h 4. Geneid.}

etum, decuit sponsa vnde cumque perfecta, & gloria, non habens maculam, neque rugam, aut aliquid huiusmodi; quibus eam coloribus depingit Apostolus ^a.

^a Ephes. §.

16 Gloriosam vocat, id est per pulchrum vere que insigne specimen diuinæ gloriæ, præ tanta venustate illius opificij, quod perfecit Deus ipse, cuius perfecta sunt opera, & bona valde, id est per pulchra: Nam Hebræis ac Græcis, pulchrum, eodem nomine exprimitur, quo bonum, ut D. Augustinus ^b notauit, suntque qui eo flectant illud de Egnatio, quem bonum fecit barba. Ecclesia ergo, sicut est sancta, atque adeò optima, ita & pulcherrima.

^b L. 15. Cinit.
cap. 23. Et ibi
Vines.

Vnde illius pulchritudinem demirans sponsus, ait ^c: ^c Cant. 4.

Quam pulchra es amica mea, quam pulchra es. Quod S. Gregorius ^d ad presentem, & futuram pulchritudinem

^d 9. mor. c. 9.

refert. [Pulchram narrat, (inquit) & pulchram replicit; quia alia est ei pulchritudo morum in qua nunc certitur; atque alia pulchritudo præmiorum in qua tunc per conditoris sui speciem subleuabitur.] Nimirum diuinus contitus, qui in altera vita erit perfectus, hic autem non est, nisi per nebulam & in ænigmate, transmitit fulgorem, & elegantiam in contuentes, iuxta illud

Psaltis ^e, Domine in voluntate tua, præstisti decori meo ^e Psal. 19.

virtutem, à D. Basilio ^f sic expressum. [Pulchritudo ve-

^f ad eum locū:

ra ac proinde amabilissima, quam sola mens omnicontagione expurgata possit contemplari, circa diuinam ac beatam consistit naturam. Sanè qui in eius micantissimum fulgorem & inexhaustam gratiam, mentem presiūs intenderit, non nihil hinc beneficij in se deriuat & transumit: quasi à quapiam tinctura fulgentum splendorem illinendæ faciei desumpserit. Vnde & Moyses, simul atque particeps factus est eximiae illius pulchritudinis, ex familiari cum Deo congressu, conglorificatam habuit faciem.]

17 Et in coelo igitur, à conspectu claro diuini vultus,

D sum-

summa gloria , idest pulchritudo , deriuabitur in Ecclesiā eo subiectam ; & iam nunc eadem Ecclesia pro tempore ac statu , pulchritudinem à diuino aliquā conspectu haurit omnino magnam , qua sit expers decorum ac macularum sponsam Christi dedecentium ; ita ut quamuis sit habitura consummatam pulchritudinem longè ista auctiorem in cœlo , tamen iam nunc dicatur gloriōsa , idest per pulchra , & non habens maculam , neque rugam . Sunt quidem aliqui in ea impij , quorum vita à professione dissentit ; & idcirco duplices sunt , nec malè nomine *rugarum* à Iobo expressi , vt intellexit San-

a l. 13. moral. c. 5. Etus Gregorius ^a ad illud , *ruga meæ testimonium dicunt contra me* . Tamen quotquot sunt quod dicuntur , & institutis sanctissimis , quæ profitentur , conformant se ,

sunt absque macula & ruga , & absque aliquo huiusmodi ; idest absque omni tale corpus dedecente probro , & foeda nota . Et verò non nisi sub ea ratione qua pulchri sunt , ac nitentes , pertinent ad corpus Christi ; v.g. saltem ratione fidei , quæ utique est nitentissima , etiam in ijs quos charitas deficit : & nisi saltem fidem retinerent , non pertinerent ad corpus Christi ; quia nulla ratione subnecterentur & coaptarentur capiti , cui omnia Ecclesiæ mēbra subsunt ; & cui nihil inhæret , nisi fides interue-

*b ser. in illud
Iobi in 6. tribulationibus.* niat , vt benè notauit S. Bernardus ^b . Tametsi igitur mali non pauci in hoc statu , inueniuntur in mystico Christi corpore , tamen non spectant ad illud prout mali & difformes Christi capiti , sed vt boni , saltem ratione fidei cuius interuentu inhærent haud indecorè Christo capiti , quod est aurum pax ; idest optimum , atque probatum terræ , purgatum septuplum : Sub quo incōgruè admittetur membra è viliore materia gradatim compacta : ita ut postrema essent testacea , qualia erat sub capite aureo statu Babylonicæ , mēbra inferiora ; sed omnia sunt aurea , ratione eius per quod in Christo viuūt , eiq. inhærent .

18 Pro-

18 Procul ergo à Christi corpore mystico, quod est Ecclesia (sicut ab eius corpore physico & naturali cum quo proportionem seruat;) omnis deformitas, & macula, ac ruga , aut aliquid eiusmodi ; idest omnis defectus, aut exuperantia corpori indecora : omnis, inquam , labes, & deformitas ; & multò magis omnis monstrositas: quia si tale quid Ecclesiam deturparet , perperam dicta esset perfecta, & tota pulchra ac absque macula, & quis alio huiusmodi , hoc est quocumque dedecente exquisitam lectissimi corporis pulchritudinem; quale haud dubiè esset monstrositas quæcumque ; quo nomine deformitas, non vulgaris, sed extraordinaria, insinuatur .

P V N C T V M I I.

*Si essent duo visibilia Ecclesiæ capita, ut habet nouæ
de SS. Petro & Paulo imaginatio, non posse
declinari mystici corporis Christi
monstrositatem.*

R ESTRINGO sermonem ad duo visibilię Ecclesiæ capita, quia non est hic quæstio de binario illo capitum subordinatorum , quorum vnum nunc nobis non est aspectabile, nempè Christus Dominus ; alterum verò vicaria eius præfectura fungens, fuit suo tēpore S. Petrus; & deinceps is, qui ad regendam Ecclesiam S. Petro cum pari potestate sufficitur: vt proinde ab aliquibus, dictus sit *sui temporis Petrus*, vt in Onomastico Pontificio refero . Hæc duo capita, certum est non inferre monstrositatem corpori Christi mystico, siue Ecclesiæ Dei: quia si inuicem

D 2 com-